



მშენებელი

№ 45



ვასილზე მუშაობისათვის 1917-24



რევოლუცია აბა რას ვიფიქრებდი, თუ რუსეთი ასე მოუმზადებელი იყო ჩემს შესახვედრათ!

ვასილ

თფილისი, 6 ნოემბერი. 1917 წ.

ხადლეისო. „თუ თავი შენი თან გახლავს, ღარიბათ არ იხსენები“-ო, უთქვამს ბრძენს.

ჩინებული ნათქვამია!

და ყოველგვარ ჩინებულ ნათქვამს აგრეთვე ჩინებული გამგონეც სჭირია!

არსებითად ამ ბრძნულ თქმულებას... ორის თვალთახედვის წერტილის ისრით შეგვიძლია შევხედოთ: ჩვენ შეგვიძლია მსჯელობა ვიქონიოთ ნამდვილი, ფიზიკური თავის თანხლებისა და აგრეთვე თავის, როგორც ასეთის, შესახებ.

ყველა რევოლიუციას აქვს ისეთი ხანა, როცა მკითხველთა და მოაზრეთა უმრავლესობა პირველი თვალთახედვის წერტილზე სდგას და ამ ბრძნულ თქმულებას უკვდავი შოთა რრსთაველისას ხსენს „ნამდვილი თავის“ ტარების, ანუ თანხლების მიხედვით.

ვის არ მოეხსენება, რომ საფრანგეთის დიდმა რევოლიუციამ ამ საკითხის გადასაჭრელათ ცალკე ტენსიკური საშუალება მოიგონა. ეს საშუალება გახლდათ გილიოტინა. აღნიშნული იარაღი პირდაპირ სჭრიდა „თავისა შენის“ თანხლების საკითხს და ეს გადაჭრა იმდენათ განმარტივდა და გაიფდა რომ „ჩირადაც“ აღარავინ აფასებდა.

რუსეთის რევოლიუცია, როგორც უფრო გაღრმავებული, აღნიშნულ ბრძნულ თქმულებასაც ღრმით ჩაუკვირდა. აქ „თავისა შენის თანხლების“ შესახებ უფრო კოლექტიური შეხედულებაა გამეფებული. ეს შეხედულება არ არის საერო, არამედ სამხედრო. სარევოლიუციო კანონით რასაკვირველია ნებადართულია „თავისა შენის თანხლება“ ყოველგვარ შემთხვევაში, მაგრამ რევოლიუციონურ ჯარს, თუ მცირე საბაზი მიეცა, ვერავინ დაუშლის სამუდამოთ ავიკრძალოს „თავისა შენის თანხლება.“ მართალია თვით საშუალებანი ამ კითხვის გადასაჭრელათ რუსეთში უფრო პრიმიტიულია და გილიოტინის მახვილი დანის მაგიერობას ჩლუნგი ქუჩის ქვა, თუ კეტის ნამტვრევი ასრულებს, მაგრამ ძირითადი პრინციპი დაცულია.

ჩვენდა სანუგეშოთ უნდა ითქვას ისიც, რომ რაც დრო გადის, რევოლიუციონური ჯარი თანდათან ეჩვევა ამ საკითხის გადაჭრას სხვა და სხვა

ოსტატურათ მოგონილ საშუალებებით. შეიძლება შორსაც არ იყოს ის ნეტარი დრო, როცა გაუმჯობესებული ძველი ფრანგული იარაღი საბოლოოთ გამოარკვევს „თავისა შენის თანხლების“ საკითხს. ზოგიერთ, უფრო ორტოდოქსალურ ფრთას რევოლიუციონურ კლასებისას, ჩქარის ნაბიჯით მივყვართ ამ ტენსიკის განვითარებისაკენ.

კველ-ახალი

ჩვენი ქვეყნის წინა დროში, (სად ვერ სძლევა სინდის გროში) როცა ხალხი მტერთან ბრძოლას არ არჩევდა მთვრალი ძრწოლას, მაშინ შობდა ერი გმირებს, ისეთ ისტორიულ პირებს, ვით თორნიკე, გიორგისა *). ეს ამბავი მრავალ წლისა მე იმიტომ მომეგონდა რომ განძრახვა სხვა რამ მქონდა: აწმყო დროში, არ მეგონ, თუ ეს ხალხი (ოქროს მონა) კვლავ აღზრდიდა ერის სარდლებს მოხსენებულ გმირთა ბაღლებს **) არა მარტო კუთხე ერის, მრავალ ქვეყნის, მრავალ ფერის, ვინც მტერთაგან მონადენი ბრბოთა რისხვა გადიტანა, ვინც მჩაგვრელთა ზარი დასცა და ჩაგრულითა წყლული ჰბანა, მშრომელთა და ტვირთ მძიმეთა შეაერთა ეს ქვეყანა დემოკრატთა თორნიკობა არ შეფერის იმას განა?

ვინაც კიდევ სიყრმიდანვე მტერთან ბრძოლა განიზრახა,

*) ერისთავი და სსაკაძე.

***) თუ არ ვცდები, აწინდელი წასწილებს თითო ადლებს. ეშმაკი.

ვინაც თავისი იდეალი
 ბეჩავ, მშრომელ ხალხში ნახა,
 ვინც იმთავით გამოვიდა
 ცხად უსწორო ბრძოლის ველზე
 სადაც მულამ მოელოდა:
 ხუნდი ფეხში, თოკი ყელზე,
 ვინაც ყველა დაბრკოლება
 მამაცურათ გადაიტანა
 ვის სიბრძნესთან, რაინდობაც
 განუყრელათ ახლავს თანა,
 ვისზეც ქვეყნის ლაპარაკი
 საამაყოთ გვესმის ხშირათ,
 ვინაც ხალხმა მართლა დასვა
 თავის ქვეყნის ოქროპირად *),
 დემოკრატთა სააკაძეთ
 ვფიქრობ იტიც გამოდგება
 თუ ამ გვარი შეფარდების
 მე ეშმაკმა მომცა ნება.
 ვითა ბრიყვმა, ამ ბელადებს
 ერთი რამე უნდა ვსთხოვო:
 მკითხველთათვის სასაცილო
 ეშმაკისთვის საუცხოვო:
 ეს სარდლები მტერზე მისვლას
 სხვა და სხვა გზით **) რო ამბობენ
 შეერთებას გაუბრძინან
 და ერთმანეთს არ უთმობენ
 ჩვენ იმათი ლაშქრის კაცებს
 სხვა და სხვა გზა აღარ გვინდა,
 ვით მიზანი, გზაც ერთი გვაქვს,
 ნათელი და სწორი, წმინდა.
 დაე ამ გზით გაგვიძვინოთ,
 ბელადებო, გასწით-წინა!
 მაშინ ნახეთ თქვენი ლაშქრის
 მტერზე მისვლა და ყიჟინა.

ბუტუნა

*) თუ სახეში არ მივიღებთ
 „საქართველოს“ „რუს ინგილის“
 ვინ უყურის სარბს და დაზოს
 რაც რამ უნდა იზინზილოს.

**) დღევანდელი ბრძოლის პროცესს
 მრავალი აქვს, მანო, გეზო.

პ ა ტ ა რ ა ფ ე ლ ე ტ ო ნ ი

ორი სტუმარი.

გული ქართლისა, ქალაქი გორი განსაკუთრებულ ფაციფუცშია.

მორწმუნე ქართველობა დღეს, დილის მატარებლით მოელის მისს უწმინდესობას, ახლად-არჩეულ კათალიკოს-პატრიარქს—კირიონ II-ს, ხოლო სოციალისტური ნაწილი ქალაქისა, დღესვე, შუადღის მატარებლით, მოელის საყვარელ დეპუტატს და დღეს ლექტორათ მოწვეულს აკაკი ჩხენკელს.

დამერწმუნებით, რომ ჰქონია ხალხს მიზეზი ფაცა-ფუცისა და მღელვარებისა.

დილის ათი სათიდან უკვე იწყო დენა სადგურისაკენ ძველებური ჩიხტი-კობით მორთულ ქართველ დედათა ჯგუფებმა. ნელის, მაგრამ დარბაისლური ნაბიჯით მიმართებიან ისინი სადგურისა-

და სარდალი ხელფანი,
 შტერზე რისხვით ანაბრეზი
 სხვა და სხვა მხრით უტეეს ორგუდს
 სხვა და სხვა გვარ მასეს უგებს
 და ნუ ვიწყენთ: ჯარის კაცი
 ხშირად ზრახვას თუ ვერ უგებს.
 დღეს ბატონობს პოლიტიკა,
 სვად ტაქტიკა, სტრატეგია...
 ზოგჯერ სრული გამარჯვება
 უაშბევის შედეგია.
 იქ ერთში სწუგეტავს სკაითხს
 და სტეხს ორგუდს ჯიქურ ძეგურვა,
 მაგრამ ზოგჯერ უმჯობეს არს
 თავის მოვლა, ფრთხილი ზეურვა,
 ამიტომაც, მეგობარნო,
 სხვა და სხვა გზა ნუ გვადონებს
 თუ გი ბრძოლის სეღმძღვანელი
 თვით სოღამონს მოგვაცანებს.

ეშმაკი.

კენ, სადაც ერთი საათის შემდეგ უნდა ჩამოდგეს სალონ-ვაგონი მისი უწმინდესობის, კირონ მეორისა. აქაიქ მამაკაცებიც მოსჩანან, მაგრამ ისინიც უფრო ხნიერნი, დინჯი და დარბაისელები. საზოგადოთ უნდა ითქვას, რომ პატივისმცემელთა უმრავლესობა იმ ჰასაკში მდგომთაგან შესდგება, რომელთაც უკვე გადაიარეს ამქვეყნიური შოთაიანი ცხოვრების უღელტეხილი და დღიურ საკითხთა წესრიგში საკითხი იმ ქვეყნიური სასუფეველის შესახებ პირველი აქვთ გამოკომული.

მას სადღაც ენახა ეს სახე, მაგრამ კარგათ ვერ მოეგონებია. სასულიერო ექსტაზით შეპყრობილი აზნაგი სერგო გორის მოურავი მხოლოდ რამოდენიმე ხნის შემდეგ გამოერკვა. ის დარწმუნდებოდა რომ მის წინაშე იღვა უცილობლად დეპუტატი აკაკი ჩხენკელი და არა კათალიკოსი კირონი.

აკაკი ჩხენკელი განსაკუთრებულის განცვიფრებით გასცქეროდა შესხვედრათ მოგროვილ ხალხს. რამდენს უმგზავრია მას და არსად ასეთი განსაკუთრებულ შემადგენლობის ხალხი არ დახვედრია. მოხუცი თავხურონი ქალები, დიაკვნები, მთავარ-დიაკვნები და ნაციონალ-დემოკრატიული ინტელიგენტები იშვიათად გამოირევიან მის მსმენელებში. წითელ დროშებსა და მუშა ხალხს მიჩვეულს ძლიერ ეუცხოვა საეკლესიო დროშების ფრიალი და სასულიერო ელფერი შეხვედრისა. ის ჩვეულებრივი სიღინჯით ჩამოვიდა ბაქანზე და ნელის ნაბიჯით გაემართა ქალაქისკენ. მნახველნი ცნობის მოყვარეობით აცილებდნენ თავის საყვარელ კათალიკოს-პატრიარქს, თუმცა მისი საერო ტანთსაცმელი ცოტა არ იყოს ეხამუშებოდა მორწმუნეთა თვალს.

აქვეა რამოდენიმე ნაციონალ-დემოკრატიული ინტელიგენცია და აგრეთვე ოფიციალური წარმომადგენელი ქალაქისა, ახლად არჩეული მოურავი გორისა სერგო I. სასოება და კრძალვა ძვირფასი სტუმრის წინაშე უკვე გამოჰკრთის დამსწრეთა სახეზე, თუმცა მატარებელი ეს ესარი მხოლოდ გრაკალის სადგურიდან უფლისციხისაკენ გამოემართა.

— ნეტავ რანაირია ყოვლად წმინდა კათალიკოსი? — ცნობის მოყვარეობით შეეკითხა კნენა დარეჯანი თავის მეზობელ მთავარ-დიაკონს.

— რა მოგახსენათ. დაბალი და მსხვილი კაციო, ეგერე გამიგონია.

— მოხუცია?

— არც იმდენათ. ჯეელი შეხედულება უნდა ჰქონდეს.

— ასეთი დიდებული პირები არა ხუცდებიან. ავტორიტეტულად შენიშნა ერთმა ინტელიგენტმა

— ნეტავ ერთი ჩქარა მოვიდეს, ვნახოთ მაინც ჩვენი მოქიანახული, უიმედოთ ჩილაპარაკა მეორე მოხუცმა კნენამ.

ხალხი სადგურის წინ ჩამწყვრივდა. უკვე მატარებელმაც დაიკვილა და ნელის ზღაზღნით ჩამოწვა სადგურის წინ. ყველას თვალი სალონ-ვაგონს მიექცა. ქალაქის თავი და მოძღვართა უხუცესი პირველნი ავიდნენ ვაგონის კიბეზე ლოცვა კურთხევის მისაღებათ. ყოვლად-სამღვდელო, უწმინდესი კათალიკოს-პატრიარქი სრულიად საქართველოსა კირონ II, კარებში გამოეგება მათ. ქალაქის თავი პირველი ემბორა მას კურთხეულ ხელზე და სიტყვის თქმად მოემზადა, მაგრამ დახეთ მის განცვიფრებას: კათალიკოსი თანახმად ახალი კანონისა საერო ტანისამოსში, მორთული გამოდგა. მას წვერი სუფთად ჰქონდა მოპარსული და ნიკაპის კენწეროს მხლოდ პატარა ბულანყე უმშვენებდა.

ორ სათზე სადგურის უბანში მუშათა რაზმები ჩამოდგნენ. გაჰონდა წითელი დროშებიც. მარსელიოზის სიმღერა, თუმცა არეულათ, მაგრამ მაინც გაისმის და მომავალ მატარებლის გუგუნს უერთდება. რამოდენიმე ნაფიცი ორატორი უკვე მზათ არის, რომ საყვარელ სტუმარს, დეპუტატ აკაკი ჩხენკელს შესაფერი სიტყვით მიმართოს და გორის პროლეტარიატის ვითარება გააგებოს. მილიციონერები ჩვეულებრივსამებრ წესრიგს იცავენ.

აი მატარებელიც ჩამოდგა. ხალხი უფრო მჭიდროთ შემოერთდა სალონ ვაგონს და ისწრაფის შიგ შეჭრას. სადგურის წინ მყისვე აღიმართა ხელოვნური ტრიბუნა, რომელზედაც ძვირფასმა სტუმარმა პირველი სიტყვა უნდა წარმოსთქვას. რამოდენიმე მკლავ-მაგარი მუშა უკვე შევიდა ვაგონში და ხელში აყვანათ ჩამოსვეს პირველი სტუმარი გორისა და ტრიბუნაზე მოათავსეს.

მაგრამ დამსწრეთა გაცეხებას საზღვარი არა აქვს. აკაკი ჩხენკელი მათ წარმოდგენილი ჰყავდათ

ერის კაცად, აქ კი მათ წინაშე იდგა მღვდელთ
მთავარი, მოხუცი და წვერ ხელ-უხლები.

— ეს სხვა ვინმე უნდა იყოს! — კრძალოვით
წარმოსთქვა ერთმა უფრო გაბედულმა პროლე-
ტარმა და ეჭვის გველი დაჰბადა მსმენელთა გულში.

ყოველად სამღვდლო კათალიკოზ-პატრიარქი
სრულიად საქართველოსა კირიონ მეორე, აღტა-
ცებით შესტყეროდა სარწმუნოებრივი გრძნობით
აღფრთოვანებულ გორის დემოკრატის. მას ძლიერ
სასიამოვნოთ ჰქონდა წითელ დროშათა ფრიალი,
მაგრამ როგორც ივერიის ეკლესიის მამას გულს
უღრღნიდა ის გარემოება, რომ არც ერთი მღვდე-
ლი, არც ერთი დიაკონი მას არ შეეგება; რომ აქ,
წითელ დროშასთან ერთად არ ღელავდა საეკლე-
სიო დროშაც.

კათალიკოსიც ნელის ნაბიჯით გაემგზავრა
გორისაკენ და აღტაცებულ მხილველთ ძლიერ
აკვირვებდა მისი ასეთი მორთულობა, ვინ იდან
აკაკი ჩხენკელი მათ სხვაფერ ჰყავდათ წარმოდგენი-
ლი.

მორიელი.

მ მ რ ა ლ ა

აღმეძრა კვალად სურვილი
დავწერო ერთი შარადა.
(ამ დარგში კოლო-ეშმაკმა
თუ არ მცნეს მეტიჩარადა.)

ჯერ სიტყვის კავშირს მივაწერთ
ბოლოდან ერთსა ასოსა,
ქორანნიკოში ორმოკად
თავი რომ დაიფასოსა.

მერე რაც გვინდა იგი მთელს
ქვეყანას მოდებულისა
ყოვლის შემძლეა და ჰაწა
ღმერთადაც წოდებულისა.
ღღევანდელ წარმოებისა
ის არის საფუძველისა,
და შემდგეშიაც კარგა ხანს

იქნება უეჭველია.
რაზედაც ვამბობ მკითხველო,
ვგონებ რომ უკვე იცია,
მაშ ამის წინა ნახევარს
ჩვენ ვუქნათ რეკვიზიცია.

ხომ იცით მკის დროს ყანებში
რომ ჰკერენ ულოთი კანებსა,
ჩვენში მათ სახელს (მრავლობის)
ყველა კი მოიგონებსა.
ამ სიტყვის ბოლო ანბანი
რადგანაც ჩვენთვის მეტია,
ამიტომ წაშლაც იმისი
აღვილი გასამეტია.

აწ იბრალი გვექირდება
სასოფლო, რკინეულია,
ნუ ფიქრობთ იყოს წერაქვი
ან წალდი ან და ცულოა.
თიბათვის დამდევს ყოველთვის
მას ელესება პირია
და იქ ელვარებს სადაც რომ
ნორჩი ბალახი ხშირია.
მაშ ესეც რიგზე დავსწეროთ
არ უნდა ლაპარაკია
ვუფრთხილდეთ წინა ანბნის მეტს
არ შეხვდეს ფათერაკია.

აქ ერთი ასოც დავსწეროთ
(ჩქარა, თათარიხანდა),
სხვა, გარდა მეთერთმეტისი,
შარადას ავენებს, არ ქნათა.

ეხლა გამომყეთ, შევადლოთ
ეკლესიისა კარია,
(არვინ დაგვიშლის თუ უხვალ
გავიღეთ საჩუქარია),
იქ ერთი დიდი წიგნია
ქრისტიანობის ბურჯია,
შას „სჯიან“ ანათემათი
ვინ ხდება მისი ურჩია.
ამ წიგნის შუა გაქრა, ა
პირდაპირ ჩვენი ვალია,
მხოლოდ მის წინ ნაწილზე

კი ნუ დაგრჩებათ თვალია.
 ის ხუცებს ჰქონდეს, ჩვენ, ბოლო
 საქმე არ არის ძნელია
 და მეტი აღარც გვექნება
 სხვა რამე საძებნელია.

ვანებოთ თავი წერასა, შარადა უკვე მთელია,
 გავიგოთ მხოლოდ თუ იგი რა აზრის გამომთქმელია.
 რუსეთის მცხოვრებთ მესხიად ყავთ მიჩნეული იგია
 და სიმიისოც ყოველგან იწყება თადარიგია.
 ის უნდა განდეს რუსეთის ბატონ-პატრონი სრულია
 და იმის ხსნისთვის გადადგას ნაბიჯი გაბედულია.

კახი.

მუხის თავები

გაზეთ „საქართველოს“ მოჰყავს „ეროვნულ
 დემოკრატიული“ გაზეთის (იჩენი ქვეყანას) აზრი.
 სხვათა შორის აი იმ „აზრის“ ნაწილი.

„დაჲ საქართველომ იგრძნოს, რომ წხეიძე და
 წერეთელი, რომელთაც მან ნანა უმდერა, მასი პარამო
 შეილება არიან. რომ მისთვის სამსახურს ეწვეიან...“

მაგარი შუბლი ალბათ მაშინ იყო კარგი, რო-
 დესაც აღამიანები ყოჩებოვით თავით იბრძოდენ,
 დღეს კი ეს გარემოება სრულიადაც არ ნიშნავს
 განსაკუთრებულ ღირსებას თავისას.

მართლაც სასაცილო არ არის ამ ბრძენი ხალ-
 ხის აზრი? ნუ თუ ვერ გაიგეს, რომ საქართველო,
 (არა ის რომელსაც ნაციონალდემოკრატები აშე-
 ნებენ და ამშვენებენ) ნამდვილი საქართველო,
 ცხრა მეთაფი ქართველი ერისა გრძნობს, რომ
 მისი ღირსეული წარმომადგენლები მისთვის თავ-
 განწირულ სამსახურს ეწვეიან, რომ ყოველი მათი
 ტკივილი „ეს იმათი ტკივილიც არის“ დიახ, ამას
 გრძნობს მთელი საქართველო, გრძნობს და ყოვე-
 ლი თავისი მოქმედებით ამტკიცებს ამ თავისს სა-
 თუთ გრძნობას და

თუ თითო ოროლა მუხისთავოსანი ამას ვერა
 ხედავს და ვერა გრძნობს, დანაშაულათ ეს, ყოველ
 შემთხვევაში, საქართველოს არ ჩაეთვლება.

დასაწყისი და დასასრული.

სულ რაღაც ხუთი—ექვსი თვის ამბავია.

სახალხო სახლში პირველი თავისუფალი სო-
 ციალი — დემოკრატიული კრება იყო. ჯურღმულუბ-
 სა და სასტიკ კონსპირაციას მიჩვეული ხალხი უცებ
 ვერ შერიგებოდა ასეთ აშკარა, მრავალ რიცხვიან
 კრების ხილვას და მე პირველს უნებლიეთ მომიბ-
 რუნდებოდა ხოლმე უკან, კარებისაკენ, თვალები,
 როცა ახალი ვინმე შემოვიდოდა: ალბათ იმის ში-
 შით, რა არის პოლიცია არ დაგვეცესო.

კრება წესდების პროექტს იხილავდა. პ.ოექ-
 ტის მომხსენებელი, ნოე რამიშვილი, მუხლ მუხ-
 ლათ კითხულობდა მას და თითოეული ახალი მუხ-
 ლი ახალსა და ხალისიან კამათს იწვევდა. ჩვეულე-
 ბისამებრ ჯერ ერთი ორატორი გამოსთქვამდა თავის
 აზრს, მერე მეორე გაიმორბედა უკვე გამო-
 თქმულს, შემდეგ მესამე და წინააღმდეგ განმეორე-
 ბის კანონებისა ესენი უფრო ართულებდენ და აბ-
 ნელებდენ გამოთქმულ აზრს.

ჯერი მიღვა „პარტიის წევრობის“ საკითხზე.
 წესდების პროექტში ეს მუხლი მკაფიოთ იყო გარ-
 კვეული და სხვათა შორის ეწერა: პარტიის წევრათ
 არ მიიღება ის, ვისაც წარსული საეჭვო აქესო და
 სხ. რასაკვირველია ამ მუხლმაც ჩვეულებრივი კამა-
 თი გამოიწვია და დიდი უმრავლესობა იმ აზრის
 მომხრე იყო, რომ წევრის მიღება განსაკუთრებუ-
 ლის გარჩევით მომხდარიყო.

კრებაზე ჩემი ყურადღება ერთმა დაბალ—და-
 ბალმა, თმა ხუტუტა ორატორმა მიიპყრო. იმან ყვე-
 ლა მუხლის შესახებ ილაპარაკა, უმთავრესად ის
 იმეორებდა სხვის ნათქვამს და წვრილი მქახე ხმით
 ყურს ვრთობ აწუხებდა. მე განსაკუთრებით ვაღი-
 ნებდი ყურადღებას იმდღინდელ კამათს და არ მკ-
 კვირებდა ამ თმაქუჩუჩა ორატორის ასეთი ენერგიუ-
 ლი განმეორებითი მოღვაწეობა.

— ნეტავ თუ იტყვის საკუთარს რასმე ეს კრ-
 წელი? შევეკითხე ჩემს მეზობელს,

— რომელი? ქვათაძე?

— არ ვიცი გვარი... აი ახლა რა დაჯღ-
 — ის ქვათაძეა. ვინ იცის, შეიძლება თავის
 გამოუჩინოს, ღმილით წარმოსთქვა ჩემმა მეზობელს

ის შირთალი გამოდგა. სწორად უკანასკნელ საკითხის დროს, განსაკუთრებული მღელვარება დაეტყო მის სიტყვას. კარგა ხანს ილაპარაკა იმის შესახებ, რომ პარტია ძლიერი იქნება, თუ მეტი წევრი ეყოლება და ძლიერება სასარგებლოა თვით პარტიისათვის...

— ამისთვის, ამხანაგებო, — განაგრძო მან, — მე წინადადება შემომაქვს პარტის წევრობაზე უარი არ ეთქვას ყოფილ შანტაჟისტებს და ექსპორტატორებს, ვინაიდან ისინი ძველმა უკულმართმა პირობებმა წარმოშვა“.

ღარბაში უკმაყოფილების გუგუნე გაისმა. წარმოდგინეთ მეც კი ავლელი და ორატორის შესახებ ექვები დამებადა.

მას შემდეგ კარგა ხანი გავიდა. კრებებზე ის ორატორი არსად მინახავს, ვინაიდან შემადგულა კრებები და აღარ დავდიოდი. კახეთში ყოფნის დროს გავიგე, რომ ის სარაქიკალის კომისრათ დაენიშნათ. უნებლიეთ მომაგონდა მისი უხედილება „პარტიის წევრობაზე“ და აქედან წარმოვიდგინე მისი უხედილება კომისარობაზე. — საბრალო გარეთ — კახეთი, რა უხედილობა სწვევია მეთქი! განვივლე გულში და ველოდი დასასრულს. ისიც გამოჩნდა. გაზეთი „ერთობის“ მე 179 ნომერში სწერია:

„ბოროტმოქმედი კომისარი. თფილისის მაზრის კომისარს ამხ. ლ. ასათიანს ხშირად მოსდიოდა ცნობები სარაქიკალის რაიონის კომისარის ათანასე ქვათაძის ბოროტმოქმედების შესახებ. ამხ. ლ. ასათიანმა ეს ამბავი აცნობა ს. ად. საოლქო კომიტეტს. საოლქო კომიტეტმა სინამდვილის გამორკვევა დაავალა ამხ. ან. ჭიბეროვს, რომელმაც კომისარ ლ. ასათიანთან ერთად ადგილობრივ გამოიძია საქმე და მდმოაჩინა, რომ ა. ქვათაძე მართლაც სწადიოდა თურმე ბოროტმოქმედებას. ქვათაძე უკვე გააძევეს სამსახურიდან, მის საქმეს გაარჩევს აგრეთვე ს. დ. საოლქო კომიტეტი. დაითხოვეს სამსახურიდან აგრეთვე სარაქიკალის სოფლის კომისარი და მისი მწერალი, რომელსაც ბრალდებათ ქვათაძის ბოროტმოქმედებაში მონაწილეობა“.

აი დასასრულიც. კიდევ კარგი თუ ეს დასასრული იქნება და კომისარი ქვათაძე სოციალ — დე-

მოკრატულ პარტიას კვლავ აღარ დაამძიმებს. რას იზამ ერთ პ.ტარა კაცუნას იმდენი ტალახის მოცხება შეუძლია, რომ მის ჩამორეცხას ათი-თორმეტი წარჩინებულიც ვეღარ შესძლებს. ეს ერთი. მაგრამ შეიძლება კიდევ არიან სადმე სხვა ქვათაძეები. ისინი ამხანაგის ქურქში გახვეული მესაფლავენი არიან იმ პარტიის, რომლის სახელსაც მხოლოდ საქვათაძეთა შეიფარეს თავი. გახადეთ ეს ქურქი მათ, და მზის სინათლეზე გამოიყვანეთ ასეთი ვაჟ — ბატონები.

გარეჯული ვანუა.


ჩემი „ის“.

ა. პ. ჩხხოვი.

(გუდგვი ჩემს თავს.)


„ის“, როგორც ავტორიტეტულად ამტკიცებენ ჩემი მშობლები და უფროსები ჩემზე უფრო აღრე დაბადებულია. მართალია თუ არა ისენი ამ შემთხვევაში, მე არ ვიცი, მხოლოდ ეს კი ვიცი, რომ მე არ მახსოვს ჩემი სიცოცხლის არც ერთი დღე, რომ მისი ძალია-გაფლენა არ მეგრძნო, ან და მისი კუთვნილება არ ვყოფილიყავი. ის არ მშორდება არც დღე, არც ღამე; არც მე არასდროს გამივლია გულში მისგან გავცეულობა, მას დაეშორებოდი. როგორც ხედავთ ჩვენი დამოკიდებულება მეტად მჭიდრო და შეურყეველია. მაგრამ ნუ შეგშურდებთ ჩვენი ასეთი კავშირი ახალგაზრდა განათხოვარ-მკითხველო ქალო! ამ გულის ამაჩუყებელ კავშირს უხედილობის მეტი არაფერი მოაქვს ჩემთვის. ერთი რომ ჩემი „ის“ დღიან-ღამიან ჩემგან განუყრელია, არ მადღევს ნებას რაიმე საქმეს მოეკიდო ხელი. ის მიშლის მე წერას, კითხვას სერიოზობას, ბუნების სილამაზით დატკობას.. აი თუ გინდებოდა, მე ამ სტრიქონებს ვწერ და ის კი გვერდში მიდგას, ყოველ წამში იღაცხე ხელს წაქრავს, და როგორც ძველად მშვენიერი კლეოპატრა არა ნაკლებ მშვენიერ ანტონიონს, -სარცელისაკენ მიმისმობს. მეო — ედ, ის არღვევს ჩემს სიმდიდრეს, როგორც ფრანგი კოკეტა. მის ჩემდამი სიყვარულს ყველაფერი მსხვერპლად შევსწირე: კარიერა, სახელი, კამფორტი. მისი წყალობით ჩამოგლეჯილი და

ს ა ა რ ჩ ე ვ ნ რ



ტრიბუნა კალეტისაფის.

ტ რ ი ბ უ ნ ე ბ ი .



ტრიბუნა ბურჟუასათვის.



ტრიბუნა ანარქისტისათვის.

შიშველი დავდივარ, ცეცხოვრობ იაფ ფასიან სახლე-
ბში, ვსაზროლობ დომხალით, ვწერ მკრთალი მელ-
ნით. ყველაფერს, ყველაფერს ნთქავს ის გაუმძღარი
მე ის საშინლად მძავს, მეზიზღება... მე დიდი ხა-
ნია უნდა გავყროდი მას, მაგრამ თუ ვერ გავყვარე
არა იმისთვის, რომ მოსკოვის ვეტილები გაყრის-
თვის ოთხი ათასს მანეთს ღებულობენ, არა... შვი-
ლები ჯერ არ გვეყავს. მაგრამ იქნებ გსურთ მისი
სახელის გაგება? სიამოვნებით გეტყვით! ის ცოტა
არ იყოს ეოეტურია და მოგვაგონებს სირინოზს,
სირს, ზარას... მას ეძახიან სიზარმაცებს.

პოდბიენტა

მღვდელ-ღიაკენის საჩივარი

ღიაკენმა უთხრა მღვდელსა:
მამე, რა გვემართებაო,
არც ქორწილია, არც ნათვლა,
აღარც არაფერ კვდებაო.

მღვდელმა მიუგო პასუხათ:
— გული ნუ გავიტყდებაო,
მალე ხილერა გაჩნდება
მანანდა გავგეხსნებაო.

ჩაფიქრდა თავი ღიაკენი:
მანანდა რასა მრჩებაო:
თვეში ერთ მკვდარსა დავმარხავთ
ისიც ნისიათ რჩებაო.

მღვდელი თავისას ინაღლებს
ღიაკენს ეკარებაო,
ქელეხშიც რიგზე გაძლება
ტაბლაც შინ ეგზავნებაო,

საბრალო ღიაკენია,
ხაშლამაზედა *) კვდებაო
თუ სადავითნოს მისცემენ
წყალობაც ის იქნებაო

*) ეს ლექსი დაწერა იმ დროს, როცა ხაშლამის აგლებულათ მთხსუნება შეიძლება. დღეს რასაკვირველია ასეთა კაღო ხაშლამის შესახებ შეუწყენარებაა.

ეშმაკი.

გაიენებამდის ბუტბუტებს,
მკვდარს თავით მიუჯდებაო,
მღვდელი კი სახლში ნებეირობს
მას არაა ენაღვლებაო.

როდესაც მიაქვთ მარხავენ
მსუქან ქელეხსაც მართავენ
ღიაკენი თუ ხმას იღებს
საბრალოს მაგრა ლანძღავენ

აღ. რუის-პირელი.

წერილი ს. იანეთიდან.

(ქუთაისის მაზრა)

მატარებლიდან ჩამოხვალ,
იქ სტოლი იდგომილება
ამ სტოლთან კაცი, ან ქალი
უთუოდ იჯდომილება.
მათრახი უნდა ორივეს
ნურცერთის მოგერიდება,
ერთი ხელობის არიან
არ გვმართებს მათი დიდება.
მატარებლისა ბილეთებს
1 ოჩერედობით* ჰყიდიან.
მატარებელი რომ წავა
ხშირათ მას შემდეგ მოდიან.
და თუ აღრიან მოვიდენ
თავიანთი აქვთ წესები:
„ხურდა არ გვაქსო იციან“
სხედან თვალ დანაცეცები.
მეეტლებსა ერთდენ
ეშმაკო, შენსა ღებნასა,
თორემ შეგამთხვევს ტიალი
უზომო ცრემლთა დენასა.
იქვე ახლორე, ძმობილო,
სამიკიტნოა დებული
ღამე ჩამოხვალ, ან თუ დღე
ის მუღაპ არის დებული.
იქ მოქიფეთ შეხვდები
მირეკ მორეკე სახლებში:

სახელს და გვარსა ნუ ჰკითხავ
 გამონათქვამს ახლებში.
 იქვეა „კანცელარია“
 სად კომისარი კანონსუობს,
 სადაცა ძველი რეჟიმის
 გერმან მწერალი კალმოსნობს.
 მათრახი იმას არ ვაჰკრა
 რადგან ქალაჩა კაცია,
 უთხარი მხოლოდ ძველსა დროს
 ნუ მოგვაგონებს აწია.
 კობერატივი გვერდში აქვს
 სახელწოდებით „ჩვენი ცდა“
 სახელს უთუოდ ღირსად სცნობ
 თუ კი იქ ფეხი მიგიცდა.
 ორმოცდა ათი საუენით
 შკოლაა და შორებული
 იკითხეთ მასწავლებელი
 სამსონი ჩვენი, ქებული
 მათრახი გაუწყაბუნე
 სხვა ფრივ კამათი მეტია
 თუ მოგიღიროს „ლივერი“
 შეუნდე, ბავში ცეტია,
 შესაშინებლათ იქნება
 გუშინ დასცალა ტყვიები,
 ქუჩაში რომ მიდიოდა
 ღვინისგან შენამხიები.

აქაური.

2050

(კახეთისთვის)

სცენა ერთ მოქმედებათ

მოქმედება სწამოებს სოფლის გარეთ, რკინის გზის
სადგურის მასობლათ, მიკიტნის ღუქანში.

მოამქმელი

პირნი:

- არტო — მეღუქნე.
- საშა — მე 6 კლასის გიმნაზიელი.
- მიშა — სტუდენტი.
- შაღვა — აზნაური.
- გართანა — შეჩქმე.
- მიტრაფანა — შეისრე.
- შაქრა — ღუქანის ბიჭი.

არტო. (სადამო ხანია! მარტოთ სდგას ღუქან-
 ში. ხელში ჭაჭვეზე გამოძმულის გასადები უქირავს
 და სალოკ თითხედ ატრიალებს). ვაა, ვისაც კი
 ცოტა მარიფათი აქ, პირძადლი ვიყო თუ ამ დრო-
 ში კახეთისთანა ფულის მოსაგები ალაგი ევროპაში
 იყოს. არა, მე შენ გითხრა წარა მარათ სალდათებ-
 მა პაგრომი არ მიყონ, აი! Здесь ни царски
 КОЛОДЦИ... ღმერთმა ააშენოს ჩემი მუშტრის ოჯა-
 ხი. კრუგომ მირნი ხალხია ვა, ან რა ზლო შეუძ-
 ლიანთ რკინის გზის სლუჟანჩიკებს? მართალია,
 ხან და ხან ჩემი გიჟი კნიაზები მაჯაფრებენ, ჰამა
 ეს ხომ პუსტიაკია. ვარ ჩემთვის სვეტი ვოზდუხზე
 დავიგებ ოხრათ.

(შემოდინან საშა, მიშა, შაღვა და ვართანა)

საშა, მიშა, შაღვა და ვართანა (ერთათ)
გამარჯობა, არტოჯანი!

არტო. ოპ ვაგიმარჯოთ ჩემო გვრიტებო.
რას მიირთმევთ გენაცვალეთ სახეში?

ვართანა. რას მივირთმევთ, შე კაა კაცო,
გონია ჩვენც ახლად გამოცემული ას თუმნიანები
გვილაგია ჯიბეში. (თან უახლოვდებიან მაგიდას და
სხდებიან).

არტო. ვაი, მე თქვენ გენაცვალე, მე თქვენი
სამხთო ვიყო, ნუგუჟელი მე თქვენისთანა ქორჭი.

კებს ფულს არ ვენდობი? თქვენ ბრძანეთ რა მოვართოთ...

შალვა. ვის აპყოლიხარ არტოჯან! ას თუმბინიანი თუ არა, დავიჯერო ერთი ორი ხუთ მანეთიანი აღარ გვიგდა?.. მოგვიტა ჯერ ჯერობით ორი ბოთლი სანამ გასაფცქენელი ვინმე შემოყოფდეს თავს.

არტო. შაქრო! (შემოდის ბიჭი) ორი ბოთლი ღვინო მაართვი ამ ბუღბუღებს თავის ზაკუსკით.

მიშა. შაქრო, მაშ ერთი შამფური მწვადიც შეგვიწვი ბარემ. (შაქრო მოდის და საჩქაოდ მოაქვს ორი ბოთლი ღვინო და თევზით „ზაკუსკა“).

შაქრო. კნიაზჯან, მწვადიც მალე იქნება.

ვართანა. (ისხამს ღვინოს) ვაა, რა ღვინოა.. კნიაიკი რაღა, ანიაიკი. ვინც არ დაღვეს დედა მოუკვდება.

შალვა. (იღებს ჭიქას) მაშ ღმერთმა აცოცხლოს ამ დუქნის კეთილი ანგელოზი.

საშა-მიშა ვართანა. იღებენ (ჭიქებს) ამინ. (სვამენ).

საშა. Вино. хорошее.

მიშა. კარგია მხოლოდ ჩადის გემო აქვს.

ვართანა. (ასხამს ღვინოს) მაშ იცით რას ვიტყვი ძმებოჯან.. ღმერთმა აცოცხლოს ის კაცი, რომელიც რომა ჩვენზე ავს გაიგონებს და კარგს კი იტყვის (სვამს).

საშა, მიშა და შალვა ამინ. (სვამენ თან ასხამენ) (შემოდის მიტროფანა).

მიტროფანა. Здорово, Арто! дай мнѣ стаканчикъ. (არტო უსხამს ღვინოს, მიტროფანა დაღვეს, და სდგამს ჭიქას).

მიტროფანა. Вотъ понимаю вино! (იღებს საფულეს, ხსნის და აძლევს არტოს სამიანს რომლის გარდა სხვაც ბევრი უჩანს ფული).

(არტო მიუბრუნდება დახლს ხურდისთვის)

შალვა. (ვართანას) ბიჭო, ეს რუსი რა შესაკერია და...

ვართანა. ჰა, უჩხავის?

შალვა. ოხრათ უჩხავის, ოხრათ.

(არტო ხურდას აძლევს მიტროფანს. ამ დროს ადგება ვართანა და დიდი ხმით ამბობს სადღეგობლოს, რითაც იქცევს უკანასკნელს ყურადღებას).

ვართანა. Товарищи! За здорови наши

революци, дай Богъ штобы какъ даскхпоръ всяки началикъ станция и такъ дали сидить на шея наши товарища (ხელს იშვენს მიტროფანისკენ) теперь самъ рабочи сидить такъ на шей началика. (სვამს და ჯდება, მიტროფანა გაშტერებული შესცქერის).

საშა, მიშა და შალვა. Дай Богъ (სვამენ).

ვართანა. (ცოტა ხნის მერე მიუბრუნდება მიტროფანს) Товарищъ! если можна на стаканчикъ винца, пожалуйста (თან ასხამს).

შალვა. არტო! ორიც მოიტა. მიტროფანა მაგიდას უახლოვდება, ვართანა სთავაზობს ღვინოს. ამავე დროს არტოს მოაქვს სკამი და ჭიქა მიტროფანასთვის).

მიტროფანა. (ართმევს ჭიქას) Ну товарищи, будьте здоровы, склоси д аპირობს წასვლას).

ვართანა. Товарищи, ми тоже рабочи люди, садись снамъ если можна будимъ вмести сегодня кушить. (შაქრო მოიტანს ღვინოს და მწვადს თავის პურით და გავა).

მიტროფანა (გადახედავს მწვადს). Пожалуйста, съ удовольствиємъ (ჯდება).

შალვა (ასხამს ღვინოს ღიმილით) მოიდა ქეიფი!..

მიშა. Господа, за здоровье нашего но- ваго товарища. (სკლის).

საშა, შალვა და ვართანა. За Ваше здо- равье. (სვამენ).

მიტროფანა. Спасибо, будьте здоровы. (იღებს ჭიქას და სკლის).

საშა. (შემოსძახებს, მიშა ბანს აძლევს).

„Вышли мы все изъ народа

Дѣти семьи трудовой.

Братскій союзъ и свобода—

Вотъ нашъ девизъ боевой.

ვართანა (მიტროფანას). Товарищъ, мы все пилъ твои здоровья а ты нашъ нѣтъ, для этого теби следуютъ большія стаканъ, чтобы все наши здоровія вмести выпить.

მიტროფანა. Пожалуйста, съ удоволь- ствиємъ (არტოს მოაქვს დიდი ჭიქა).

საშა (ასხამს ღვინოს დიდ ჭიქაში). კირშიაც ეყოფა და ლხინშიაც ამ რუსს ეს სტაქანი.

მიტროფანა (იღებს დიდ ჭიქას). Дай Богъ вамъ всѣмъ здорovia. (სკლის, ცოცა ხნის შემდეგ უცებ დაიძახებს) Арто! Дай намъ бутылку шесть винца. (არტოს მოაქვს ექვსი ბოთლი, თან ეკითხება მიტროფანს). Что ищо прикажишь душа джанъ?

მიტროფანა. Говорить нужно? Дай намъ чѣмъ nibуть позакусить. (არტო მირბის და თვითონ მოაქვს საჩქაროთ სინით ქათმის ხორცი თანაც პური).

შალვა (შეხედავს ქათმის ხორცს). მოიდა ქეფი!..

ვართანა. Товарищи, за здорови эти секунди, которой секунда ми увидилъ Митрофанъ (სვამს). Ви тоже безъ капли.

საშა, მიშა და შალვა. ამინ—(სკლიან ჭიქებს).

მიტროფანა. Спасибо за любезность (სკლის ჭიქას, ნახევარი ნიკაპზე ეღვრება).

მიშა (მღერის მარტოთ, სხვები ქათმის ხორც შეექცევიან).

Пришли мы всѣ веселиться,
Митрофанъ нашъ дорогой!
Вино, шашлыкъ и курица —
Вотъ нашъ девизъ боевой.

(სიმღერის შემდეგ არტო ეკითხება მიტროფანს, რომელიც უკვე მთვრალია).

არტო. Митрофанъ джанъ, я твой жертва буду, что ищо изволишь?

მიტროფანა. Дай, все что есть только. (არტუა სიხარულით თვითონ გადის მოსატა ნათ მერე ოთახში. ამ დროს ვართანა გადახვევა მიტროფანას და აცლის უბიდან საფულეს. იღებს მთელ ფულს და ცარიელს უდებს უბეში).

შალვა. აბა თითოც მშობოჯან! Митрофанъ, что вы задумались... пьемъ... .

მიტროფანა (იღებს ჭიქას). Товарищи... знаете... что... я... сна... а... ж... ж... (ენა უდგება. აღარ ათავებს სიტყვასა და სვამს).

ვართანა, მიშა, საშა და შალვა. Дай Богъ (სვამენ).

(არტოს მოაქვს მწვადი სინით).

შალვა (მწვადის დანახვაზე). მოიდა ქეიფი!..

(თანაც უსტევენს კინტოურს და ხელეზით კი ჭიქრავს მაგიდაზე).

ვართანა, მიშა და საშა (თამაშობენ ჯურჯერიით).

მიშა (მიტროფანს, რომელსაც სკამზე სძინავს). Что уже пьянъ товарищъ?

მიტროფანა (გა ხელს თვალებს) Кто пьянъ?.. Арто! дай люжину винца. (არტოს მოაქვს 8 ცარიელი და 4 სესე ბოთლი ღვინო).

მიტროფანა (იღებს ჭიქას). За здорovia... тѣхъ... кто... (ველარ ათავებს და სვამს. სვამენ დანარჩენებიც, რომელნიც უკვე მთვრალეზი არიან).

საშა, მიშა და შალვა (ერთმანეთს) წავიდეთ ხეირი აღარ არი.

ვართანა. არტო!

არტო. ჰაჯან!

ვართანა. რა გერგება, არტოჯან!

არტო. (ანგარიშობს) ოთხი ბოთლი მანეთნახევრობაზე 6 მან. ორი გირვანქა სამწვადე თავის ნახშირით 7 აბაზი, პურიც თავის ისეშით საში აბაზი. სულ 8 მან. ესე რაღა ვართანჯან თქვენგან სულ 8 მანეთი.

ვართანა (ყასიდათ). არტოჯან, გინდა მთელი დანახარჯი მე გაგისწორდე. იქნებ ამ რუსმა გაჯანჯლოს.

არტო. ვაა, რასა ბრძანებ? ვაიმე, ვაიმე, მოგიკვდე თუ მე ვიკისრო. მე ვიცი და მეგ რუსმა.

ვართანა (შეპარულ ფულიდან აძლევს არტოს თუნბიანს). აბა, არტოჯან თუნბიანი მიიღე. ხეირი ნახე.

არტო. მადლობელი ვარ, თქვენი თავი მიცოცხლოს... .

ვართანა. (ამხანაგებს). წავიდეთ მშობოჯან (მიდიან და თან მღერიან: Пришли мы всѣ веселиться... დუქანში რჩებიან არტო და მიტროფანა, რომელსაც სიმღერაზედაც აღარ გამოეღვიძა).

არტო. აბა ახლა ამ ხახოლას მოვთხოვო რაზჩოტი და. (ანგარიშობს) 18 ბოთლი ორ მანეთობაზე—3 მანეთი, ერთი ქათამი ოთხი გირვანქა მწვადით თავის ნახშირით 8 მან. ხვალე დილათაც პიხმელიაზე ერთ-ორ არაყს დალევს ესეც მანეთი სულ 45 მან. იფ... ვაქრობაც ესე უნდა... მე და ჩემმა ღმერთმა. (თან უბიდან აცლის საფულეს, მაგრამ დაინახავს რა შიგ აღარაფერია გაშემდე-

ბა) ვაა, ვრრიი ჰაოო!.. ეს რა ოინი მიყვეს ჩემმა ჟორჟიკებმა ვერ უყურებ? ვა ჩქარა მიანც გავათრიო ეს ოხერი აქედან. არავინ დაინახოს. ჰამაც ვგონებთ მე გავცარცვე. (აღვიძებს) მიტროფან! სლუში, მიტროფან!

მიტროფანა (თვალზე დახუჭული). Что... такое!..

არტო (ჯავრი მოსდის). ვა, ты думишь многа буду говорить штоли (ავლებს ხელს და მიათრევს კარებთან, საიდანაც ჰკრავს ხელსა და კარში ავლებს, ისმის მიტროფანის ხმა). Что толкаешься сальный чертъ.

ჯიბბლა.

ქართველ მწერალთა მოწოდება

ბუნების კალთაზე ტურფა სასძლოსავით შორთულა სხივ-ფენილი სამშობლო შენი.

უხარმაზარი მთების დიდებული ყინულის ჯილა ათას-ფერად ბრწყინვალეებს მზის სხივებზე და თოვლის უბიწო, თეთრი ლეჩაქი მის დაფენებათ კობტათ გადაფარებია. ამ მთების ჩიხტსა უშველებელი, მწვანე ტყეების ზურმუხტი ძვირფას ქინძის-თავად ზედმისდგომია, ხოლო ქვევით ვერცხლისებური კამკამა მდინარეები, ვით ოქსინოს ძვირფასი სარტყელი, ორ-ტოტათ გაყოფილი, მიმჩქეფარებს. მთელი კაბა მწვანე ხავერდისაა, ხოლო ზედ ბუნებისის ხელოვნებით ამოქარგულია მრავალფერი ვარდი და ყვავილი. ქაშებს კი თავის ღრმა ფსკერიდან ამოტანილ მარგალიტებით შავი ზღვა რთავს და ჰკანმავს.

და აქ გაჩენილხარ შენ, საქართველოს შვილო: ლამაზი, ჰაეროვანი, გონიერი და ნიჭით შემკული.

ხოლო გაჩენიდანვე შეგყვარებთან ტრფიალი მშვენიერებისა.

ეს ყოფილა შენი გზად-მყვანი, მაცოცხლებელი და ზოგჯერ დამტანჯველიც—ეს მშვენიერების ტრფობა.

ეს გავილექსია, ეს გიმღერია, ამისე ვიწერია, მისთვის გიცეკვია, მისთვის გიხატავს და გიშენებია.

ამის ამბობს შენი ზღაპარი, ამის მოუთხრობს შენი წიგნი, ამის მოწმე და მკურთხეველია შენი ცამდე ასხლეტილი, ტან-წერწეტა, კობტა ტაძრები, ამასვე ბგერს შენი რძლისპირნი და სუფრულ-შაყრულები.

აბესალომ და ეთერის გულ-მომწყვლელ ამბიდან რუსთაველის ქნარამდე ამაღლდი და შემოქმედი ხელმწიფებით გადმოგვეც ღიადი ტრფობა შევენებისა: უზენაესი მაღლი სიყვარულისა.

ხოლო ყოველთვის ცისკროვანი არ იყო შენი ბელი. და იი შენი ცხოვრების დრუბლებზე შენვე შეთხზე უკვლავი ლეგენდა ამირანისა!

ეს იყო შენი სულის კვნესა: გამირული ამო-ოხვრა და იმავე დროს შეგება შენი განსაცდელის ჟამს.

როდესაც ხელს არავინ და არაფერი არ უშლიდა შენს მოწოდებას არც გარეშე და არც შინა მტერი, მაშინ შენი შემოქმედება იყო მკვეთრი და გრძნობს ამაღლებელი. მაშინ გველინებოდნენ ნიჭიერი შვილინი ყოველს სფეროში შენის არსებობისა, სრულად და ფართოდ ხმარობდი ბუნების მიერ მომადლებულ ამა მაღალთა ნიჭთა და იყავ ძლიერი კულტურით.

გარანა, როდესაც გარეშე მტერი დაგჩაგვრდა, ან შინა გახეთქის და დაქსასვის ქირი მოგვედებოდა, მაშინ ეცემოდა შენი ლექსთა წყობაც შენი ტაძრების მწყაზრული აღნაგობაც—ძველებურად ველარა ჰქმნიდა შენი მხატვრობა, შენი ფერთა სღებავები, შენი მწიგნობრობა, შენი მუსიკალობაც და ხელოვნებაში ღონე მიხდილი, სუსტი იყავ მეცნიერებაში, უძლიური სახელმწიფო ცხოვრებაში. აღარც მაღალ-ნიჭიერი სარდლები, აღარც ფილოსოფოს პეტრიწები, აღარც წინასწარმეტყველურად სულთ ახოვანი გიორგი მთაწმინდელები და აღარც ხელოვნების მეუფე რუსთაველი.

იღრუბლებოდა შენს ცხოვრებაში, ღამდებოდა და მხოლოდ და ოხვრით იხსენიებდა კვლავ ამირანსა.

მაგრამ ისე მიანც არასოდეს არ შექოლამებულა, როგორც მთელი წარსული საუკუნის განმავლობაში, რუსთამ ბატონობის დროს:

შენი ტაძრები ჩამო ნკრა, საუცხოვო ნაგები ციხე-ღარბაში განადგურდა და გაუქმდა, კედლის ძვირფასი მხატვრობანი წაიშალა და შეიბღალა,

თავისებურობით აღბეჭდილი ჩუქურთმები და ხრახნილები მოარღვა, ბეჭა ოპიზარისა და მისებრ მაღალ ნიჭიერ ხელოვანთა მიერ ნაჭედი და ჩამოსხმული განძეულობანი გაიხნა და წარტაცებულ იქმნა სტულის მოხდენილი და მოარგებული სამოს-სამკაული მივიწვდა, სიმღერა და ცეკვაც გადაგვარდა. თვით ენა ჩმინდა და ფაქიზი შეირყენა და მწერლობამაც იწყო აწროვაება სხვისებური, უცხოური; დაჰკარგა თავის თავადობა. ხელოვნებაში მშვენიერების ღმერთის ნაცვლად მოძალადე დეზებიანები ვინმე წამოაჯდა მაღალ კვარცხლ-ბეჭეზე.

დაჰკარგე შენი სახე უსახური იქმენი.

ეს იყო ყველა შენ მიერ გადაეულ მსხვერპლზე, უსაშინელესი, ყველა შენ მიერ ჩანთხელს სისხლზე უმწვავესი.

შენ სულიერ მონად გახდი.

ამის გარდა, რომ უხარ-მახარ რუსეთის დამცირებულ გუბერნიებთა იქეც, შენ სულიერადაც მისი პროვინცია შეიქმენ, რადგანაც ჩრდილოელის ქულს დაღურსმული, ტლანქი საღა მოხვდა შენს ჯხოვან მკერდს, წააქცია და საკორტნავათ თვითმპყრობელობის ორთავა არწივიც მოგენდო.

შენც ისე გამოიცივალე, ისე მოაღუნდი, რომ ზოგჯერ ვერცა გრძნობდი რა საშინლათ ჰკორტნიდნენ შენს სხეულს..

ეხლა ძლივს ასრულდა თვით რუსის ხალხის საუკეთესო წადილი თვითმპყრობელობა დაემხო და შენც მოგშორდა ის ორთავა არწივი..

ყოველივე ის, რითაც ამაყობდი შენს წარსულში და რაც სამუდამოთ ამართლებს შენს სამშობლოს მსოფლიოს წინაშე, გავალებს ღღესევე გადასწყვიტო ბედი შენის მომავლისა.

ისტორიის შეუწყვეტელმა ტანჯვამ ვერ ჩაკლა შენი გმირული სული, რომელსაც არასოდეს არ სჭირდებოდა გაცოცხლება. ისე, რომ ორც ღღეს.

ჩრდილოეთის ნისლი უნდა ჩამოსცილდეს შე-

ნი ქვეყნის მხურვალეობით სავსე მზეს და მის უხვად დაფანტულ სხივებ ქვეშ უნდა იგრძნო განახლებული ბედნიერება.

ჩვენ წილათ გვხვდა მადლიანი სიტყვით ვიყოთ გამომსახველი შენი წმინდა გრძნობისა, შენი ფერადი ოცნების, შენი მწუხარების და სიხარულისა. მაგრამ მეტად საგრძნობი იყო შენი უკანასკნელი საუკუნის უბედურება, რომ მას უფერობის ბეჭედი არ დაესვა ჩვენი შემოკმედებისათვის..

ჩვენ მზათ ვართ ვიღღესასწაულოთ დასაწყისი შენი სიხარულის და განახლებისა.

ისმინეთ ჩვენი აღსარება:

არავის და არაფერ არა სჭირდება თავისუფლები ისე, როგორც ხელოვნებას.

სრულიად საქართველოს მწერალთა პირველი ირილობა მხურვალე საღამოთ მოგმართავს შენ, ქართველო ერო, და მოგიწოდებს იხსნა შენი თავი ხანგრძლივ ტყვეობისაგან, გააცოცხლო შენი ენა, აღადგინო შენი უფლება, რაინდობა და კეთილშობილი სიამაყე და ჩვენც მოგვეცა საშუალება ღირსეულად შევასრულოთ ჩვენი წმინდა მოვალეობა შენსა და უსაცვარღეს სამშობლოს წინაშე.

P. S. დიას, საყვარელო სამშობლოვ, თვით ეს მოწოდება ნათელიყოფს შვილთა შენთა დაკნინებას და უსუსურ ქმნას. ლამაზ სიტყვათა კორიანტელში განვეული ქართველ მწერალთა კავშირს გარნა შეუძლია სძლიოს ძველ-რბილში გამჯდარ ჩვეულებას და სიტყვებით არ ჩაჰქალოს ვისაც მიზანში ამოიღებს? აბა წაიკითხე, ქართველო ერო, ნაცარქექია შვილთა ესე მოწოდება შენდამი და სთქვი: არის იმედი მათი გადარჩენისა, თუ არა. მე კი ეს იმედი უკვე დამეკარგა.

გშემაკი.



საღდათი. განა გასაკვირია, რომ ასეთი ფრონტის წინა-
შე უკან დახვევა გვიწევს?